




# Son ar G'hrampoez Gwiniz

WAR DON : *Fransoisik ha Pierik.*



La - ret c'hwi d'in-me plac'h iaou-ank, Fran-soi-



zig, ma Fran-soi - zig; La - ret c'hwi d'in-me, plac'h iaou-



ank, da bi-ni 'nn tri-ze hoc'h euz e'hoast?

— « Janedik koant, ma c'harante,  
'N eur ober krampoez gwiniz,  
Janedik koant, ma c'harante,  
Da biou 'vo ar gram-poezen ze ? » —

— « Yannik Garlan, 'n hini gentan,  
'N eur ober krampoez gwiniz,  
Yannik Garlan, 'n hini gentan  
'Vo 'vit ma zad kez, a gontan. » —

— « Janedik koant, ma c'harante,  
'N eur ober krampoez gwiniz,  
Janedik koant, ma c'harante,  
Da biou 'rofet an eil goude ? » —

— « An eil ane roñ d'am zad,  
'N eur ober krampoez gwiniz,  
An eil ane roñ d'am zad,  
Yannik Garlan, ganthokrad vad. » —

— « Janedik koant, laret d'in-me,  
'N eur ober krampoez gwiniz,  
Janedik koant, laret d'in-me  
Evit piou e vo an drede ? » —

— « 'Vit ma mamm e vo an drede,  
'N eur ober krampoez gwiniz,  
'Vit ma mamm e vo an drede,  
Gwa da nep 'vo diez gant se ! » —

— « Hag ar bederved, Janedik,  
'N eur ober krampoez gwiniz,  
Hag ar bederved Janedik,  
Na vo ket 'ta 'vit ho Yannik ? » —

— « Ar bederved, Yannik Garlan,  
'N eur ober krampoez gwiniz,  
Ar bederved, Yannik Garlan,  
A roñ d'am breur henan Yan. » —

— « Nag ar bempved, Janedik kez,  
'N eur ober krampoez gwiniz,  
Nag ar bempved, Janedik kez,  
Da biou e vo lardet hounnez ? » —

— « Ar bempved, an hini wellan,  
'N eur ober krampoez gwiniz,  
Ar bempved, an hini wellan,  
'Vo 'vit Per, ma breur yaouankan. » —

— « Ha me neuze 'ta, ma dousik,  
'N eur ober krampoez gwiniz,  
Ha me neuze 'ta, ma dousik,  
'Mo ket unan deuz ho tornik ? » —

— « Ar grazen a pezo, kezik,  
'N eur ober krampoez gwiniz,  
Ar grazen a pezo, kezik,  
Ma n'a ket gant ma c'hi Loullik. » —

— « C'hwi a zo ouzin didrue,  
'N eur ober krampoez gwiniz,  
C'hwi a zo ouzin didrue ;  
O karout 'ran kalz koulskoude. » —

— « Didrue, zur, me nan on ket,  
'N eur ober krampoez gwiniz,  
Didrue, zur, me nan on ket,  
'Met kaojo divlaz a laret.

Ha, war ze, ho pedan eta,  
'N eur ober krampoez gwiniz,  
Ha; war ze, ho pedan eta  
Da vont 'lec'h all da c'houileta. » —

LAOUIK.